



東塘集卷之四

吉水毛伯溫



五言律詩

一百首

張葵屏宴集即席四首

九載一相見人生能幾何
風莖留野菊霜葉下庭柯
落日觀燕舞清尊聽楚歌
明朝江上別極目嶠雲多
昔別蓬萊雨今逢江漢秋
院深花影合簾捲暮煙浮
獨行鄉人重高名藝苑收
相思復何處夜月岳陽樓
漏沉淹憲節秋靜見葵屏
桂菊當軒並星河遶戶明
笙歌喧獨夜鼓角壯孤城
此別思無限荆湘雲樹橫

黃葉辭秋樹明星帶夜堂浦雲寒不起籬菊瘦成行
興入新詩短愁添舊語長虫聲喧四壁庭月看中央

謁文正書院

古院長江及高名大宋聞窓含蘭渚月簾動墨池雲
古木疑秋色寒鴉下夕群岳陽樓不遠夢寐洞庭君

清化驛和韻

曉雲迷嶺樹秋水滄江蘭黃葉空中墮青山馬上看
衝風雙節遠映月一燈寒客路無時盡更闌此具餐

過桃川

往事今成古桃源信有無昔人能避世此地乃通衢

山峻雲飄樹秋高風裊蘆奔馳竟何濟下馬一長吁

鄭家驛和夏公謹韻

地僻行人少庭空落葉深下車聊獨坐舉眺得高吟
風雨他鄉路江山遊子心桃源多勝跡到處可登臨

馬底雪行

十日兩逢雪占年喜不勝山巔高削玉水畔薄凝冰
澗草迷仙跡巖風動佛燈驅馳半天下蹤跡笑吾曾

沅陵候充之不至

武陵曾遣使半月不歸來江口傳書至城頭望眼開
燈花連夜喜成角五更哀咄竟虛成約多情寄野梅

東坡集卷之四
贈陶使使滇歸省

遠持天上節直到滇南回歲月驚新改江山喜再來
暖風催驛柳殘雪帶溪梅堂北春無限萊衣得獻杯

雙玉合巖贈陳侍郎簡菴

孝孫登顯日旅襯合巖時及地重相見如天真有知
夕陽明野草秋雨走山麋寵贈恩何渥司空神道碑
雲溪道中

匹馬雲溪道郵亭空復行野橋春水急茅店午煙清
暖色纔舒柳晴聲忽轉鶯悠然淳朴地健婦把犁耕
岳陽樓和吳東湖中丞韻

觀水喜君共登樓恨我初清虛天上似空闊世間無
舟楫乘風遠簾櫳映月踈君民憂正切何暇問蓴鱸
岳陽樓次金鶴卿韻

校武旌旗動論文樓觀開雲深山色暝風細角聲哀
沙鳥雙雙去漁舟箇箇來倚樓空望眼日暮不知回
謁胡文定公祠

衡嶽存先跡麟經啓後來復讐遺志隱崇德古祠開
夜月惟狐兔春風自草萊傳家有賢子祀典合相陪
觀朱陵洞

齋心謁南嶽發興到朱陵瀑布從天落銀河倒地層

石留蝌蚪字洞隱懶殘僧終日塵紛裏春風快此登
雨夜排山道中

雨夜復山行山遙不計程郵筒驚犬吠驛炬起鴉鳴
活活泥途險登登石棧傾勤勞聊補拙敢謂負功名
杏雨書屋

何處董僊林江城寄迹深溪雲蘿徑濕山雨草堂陰
書積非綠祿藥存豈爲金卓哉賢弟子不負隱君心

東莊奉贈 荆殿下和鳳山韻

誰道

王門峻東莊却在茲雲深驅犢處雨急喚鳩時倦去

時斟酒豪來一賦詩不爭倉廩實此樂少人知

陳濯纓張南山皆家君舊友偶會於蘄相約
叙舊至期南山行矣即席漫成

昨者兩人約今朝一客來到門雲傍屋入座酒盈杯
庭葉隨風舞籬花冒雨開通家三十載臨別意徘徊

蓬萊小洞天贈 宗藩

誰道蓬萊遠悠然對目前結茅如斗大入洞似鐘懸
花草深春徑煙雲薄曉天一塵不可到清曠足容僊

靜軒和羅一峯韻

渺渺秋江滸何人結草廬雲依春樹淡月傍夜窓虛

冥契畫前易間看刪後書此中誰得解未判兩儀初
寵賜金緋贈胡長史

相業聞 藩府

君恩下禁宸纍垂金帶重煜燭紫袍新坐對荆山曉
行看楚水春康強將八十還可赴蒲輪

贈張州倅

展卷盈珠玉知君重縉紳湘南留政績冀北苦風塵
乘便還家日輸忠報國身蘄陽片時語轉覺舊情真

壽陳母

昔重隱君德今知阿母賢懿聲聞里頌雅操播時傳

婆動庭前綵菊開堂北筵慈顏常不老春酒慶年年

睡仙贈陳隱士

鳳凰山下館希夷身後僊閒隨山鹿去靜伴野雲眠
日月相升沒川陵自變遷醒來無別事冥坐契先天

題周子厚先翁紀最卷

聞道慶符縣周侯棠樹深清風高葉曉明月疊枝陰
舊績銓曹首新祠父老心賢郎今食報許國重南金

除夕寫懷

今夕年將盡明朝春又來光陰流水去懷抱幾時開
郡邑多戎馬田疇半草萊更闌猶獨坐短述向燈裁

鳳山秦翁夜話用前韻

臺中高閣靜門外小車來時事挑燈語春懷對酒開
雨聲聞戶牖雲色想蓬萊淺薄多憂慮煩君次第裁
和韻贈陳生二首

采石江邊月搖搖照楚城孤舟耿不寐遊子獨關情
驛鼓乘風遠枕樓衝浪鳴明朝須早發日短况兼程
離家今幾日日計途程鼓楫晨謳亂停舟夜笛清
江風吹浪細蘆月照沙明不盡思親意慇懃念此行
陰德堂和韻

賢王揮巨筆斗畫耀當楣沒後人猶仰生前天爾知

竹橋編蟻日雲徑掩蛇時奕葉書香遠于今見報施
題蘆泉卷臨別走筆

江漢朝宗地蘆泉清白家泉清雲動影蘆白月生華
春雨鷗群亂秋風鴈陣斜茅齋觀易罷獨坐飲流霞
伍清磯詩使至臨湘和答二首

春別纔三月相思如九秋每依臺北樹長望岳陽樓
正喜新巡到還將舊約酬佳章勞遠使深感重交遊
遠嶠雲初曉平坡麥正秋感懷頻擊楫縱目欲登樓
伍子真豪邁百篇屢倡酬洞庭天下險訝我四經遊
伍宇初度席間口占二首

今日逢初度來朝是冠期汝年方十七吾道屬維持
桂殿秋飄實杏園春發枝高才看奮翼側目鳳凰池
嘉禮良辰集清尊上客淹主人情獨厚令子意能謙
花發雲生砌鵲呼日在簷少年宜努力他日注群瞻
花縣鳴琴贈謝景宿

好雨花齊發南風琴正鳴共稱今縣尹不忝舊家聲
太僕馳名久夔州接浙行歸來添一鶴相對小窓清

大荆驛和韻

此驛經三度憐余亦久巡有懷嗟老我無計活窮民
隴麥已收夏巖花猶吐春離筵對知己清論洗心塵

湘陰行臺和壁間韻

憂時多險阻嗟我太迂踈吳楚兵戈後江淮饑饉初
四民俱轉徙何日是寧居獨坐愁腸結無能可破除
得新巡報漫成

驛使今朝到新巡有報書此時應入楚何日始停車
慚愧平生拙驅馳二載餘芭蕉踈滴雨相對晚窓虛
富陽夜行

江月茫茫白山風嫋嫋輕沙明知鷺宿市近覺人聲
僧塔燈長烟官舟夜獨行錢塘平浩渺無際見杭城

贈別龍姪

東坡集卷之四
吾宗有佳姪循雅自出群文部効勞久武曹供事勤
城烏朝噪日亭樹午屯雲爾別吾增感家音冀早聞
壽萱

萱花藹堂北鬱鬱疑幽姿片月秋明葉輕風曉拂枝
簾幃香不變歲月老偏宜紉佩符佳胤聲華滿鳳池
栢林書屋贈敖秉之

古栢蔚成林林間書屋深枝橫春院霽葉覆午窓陰
翠色凌霜雪冥搜見古今臺端誇令子不負隱君心
送廖校府

秋色都門暮持杯送爾行黃花含露濕赤葉帶霜明
校府非無事同鄉自有情臨岐爲君喜二子看崢嶸
送人之官

上國春將暮長亭客欲行園桃迎日艷岸柳颺風輕
東海觀新治西江有舊情莫言萬里遠政善自知名
具慶

堂上親齊壽天涯子獨遊不能承色養何以慰離憂
綵服客中夢白雲望裏秋何時沾薄祿爲此寸心酬
送錢掌教

西山初霽雪南郭正開梅別意隨流水交情引濁杯
明時崇禮樂文苑得英才送子動歸思何時江上臺

飲高氏即席賦

夜來漲新水官舫到溪前
鰲嶺樹迷雨楓江草宿煙
開園摘果熟舉網得魚鮮
歸路聞啼鳥春光又一年

集虛觀

曉山梅雨細江岸柳風長
西墅偶逢客玄關近度岡
斷碑苔蘚蝕古徑草花香
坐久塵紛寂閒雲過竹房

和答簡菴陳侍郎

高情枉詩句交誼古人同
盡取廟廊具還收竹帛功
朝雲巫峽雨夜浪洞庭風
無限相思意孤鴻度遠空
萍鄉行院和壁間韻

朝雨濕長路晚雲依短牆
逢人嗟老弱到處說凶荒
山色侵松徑蛙聲亂草塘
今宵宿鄉土昨日泛瀟湘
挽徐封君

光祿恩封重太平羨散人
西湖間日月南極渺星辰
正擬終朝樂胡期一夕淪
無論潛德闔墓道看堅珉
市隱贈易天竒

車馬紅塵暗琴書白日幽
豈知闌闔地亦有崎嶇丘
淡月厓松曉清霜籬菊秋
高風邈大隱今復見南州
和答陳巡按

山嶽忽搖動今巡非昔巡
先聲驅墨吏餘澤及窮民

旌節行行曉湖湘處處春
慚余抱踈拙安敢望芳塵
三郡政畧贈劉介之

哲人不可及隨處著英聲
山虎縱橫息石灘洶湧平
忤權寧避禍却贈見真情
令子承家學前休今愈明
送鄒晉卿佐常熟

吳中稱巨邑江右數名家
擇地無如此掄才孰爾譁
春泉平畎澮曉雨濕桑麻
執手難爲別長亭日復斜
壽劉節婦六十

瑤池桃正熟繡幕婺初明
玉比容顏好水同節操清
弄孫恒適意賙匱懼知名
不但勲封貴還應御墨旌

和答松月伍中丞二首

九月朝儀整踈慵亦濫皆
雨餘花有菊霜薄草猶芟
急水魚群亂長空鴈陣排
思君不可見何以慰吾儕
語笑承清燕中丞節幸皆
鳴橈牽水荇曳履帶霜葭
今會何難得前生豈預排
仰君山斗望亦肯念常儕

湖口舟中和倫白山韻

鄱湖接江漢萬頃波濤深
日月東西見風雲吳楚陰
空茫千里望利涉百年心
五老回瞻近何時許共尋
進鮮船和倫白山

驛傳喧聲動鮮船湏太煩
牙檣不易發緡篋豈堪論

只益蒼生苦良孤 明主恩誰將艱苦狀圖畫獻

天門

新安驛

臨河孤驛館隔岸幾人家徑僻蟬鳴樹庭空鳥啄花
懷鄉心獨苦望闕路還賒連歲頻過此勞勞信可嗟

訪雪卷和韻

未訪當時雪聊同此夜茶人情疑土梗世事換年華
燕柳晴初葉吳梅凍已花相逢開口幾痛飲是生涯

送戴簿之宜興

寶林有賢裔文采重吾鄉栖棘未爲屈凌雲自不妨

都門人影月驛路馬蹄霜佐邑先民瘼吳中接歲荒

贈朱簿之上饒

南輔稱寧國西江數信州生才吾已見爲邑爾何求
山雨秋鳴溜林風晚入樓公庭無一事治郡有賢侯

示李海驛丞

憶昔閩還日勤勞憐爾多玉山秋潦漲淮水夜風波
十載事如昨一官鬢未皤驛庭無別事迎送莫蹉跎

贈王中丞之蜀

京兆聲華重都臺地望崇思崇歌父老迎竹走兒童
禾黍岷山雨帆檣楚峽風功成隨內召赤紱近重瞳

東坡集卷之四
挽叢尚書廷秀

丰山忽改色迢遞暮陰生經術虛鄒魯威聲自代并
春風曾識面夜雨獨傷情珉碣鐫神道尚書不乏名

東浦贈汪太常用之

西湖天下絕東浦湖中竒荇藻牽風細樓臺上月遲
寺鐘來樹杪漁槳動花枝樂事四時有主人隨所之

上陵曉發

病軀便曉發入望喜秋成禾黍連疇熟牛羊卧草平
雲橫千樹暗雨洗萬山清偶爾聞流水停軒欲濯纓

途次奉贈王平川翟石門二侍郎

鉅卿同典祀秋日喜追隨問俗憐民瘼論文得我師
鳴蟬低抱葉落木暗辭枝坐食慚無補山行野性宜

過鄒氏

舊館清河曲頻過意更親隸人歡識主稚子狎迎賓
沾渴瓜分進忘形酒密巡清筵難久住長路戒風塵

憇回龍觀

中路開仙觀五年七度過道童驚我至牧子向人歌
風樹初黃葉雨堦仍綠莎莫言今歲熟猶自苦征科

康陵候祭

山空人語寂雲淨月華明松下麒麟卧草間蟋蟀鳴

長陵鐘已動

泰廟禮初成漫憶 賓天日淒涼淚濕纓

祭歸值大風

歸路北風急飄然疾我驟步輕知借力膚冷欲重衫
塵務迷村落松濤吼石巖七回叨祀事不改舊官銜

邵氏園亭和山齋鄭侍郎四首

地僻隔浮埃名園背郭開花間蔽路徑樹杪見樓臺
問故憐新主尋幽藉舊苔歸鞭催暮雨何日定重來
石磴穿雲入蘭舟傍柳移懸厓花爛熳斷岸水逶迤
藻浪遊魚趁松風宿鶴知西山忽送雨眼底又增奇

乘興出郊垆煙村入望冥亂花迎日笑叢竹裊風清
草蔓綠綠砌松枝翠結屏樹迴疑路盡又見一園亭
戚里歡娛地官曹休暇時乍遊疑入夢窮覽不知疲
徑曲穿亭遠蘿深出洞遲眼前俱樂事况復值花期

贈巨川李憲伯

談笑平芒部驅馳上玉京嵩呼
天闕近萊舞綵衣輕

聖主嘉丕績朝紳仰俊名即期膺寵擢不必問歸程

送史簿之溫

昔我使中州覃懷屬舊遊鷄豚茅屋曉禾黍水田秋

東坡集卷之四
三
佐邑湏勤慎牧民貴講求卑官有賢譽

聖代亦兼收

送郭生還沁源

選籍題名日

皇都送別時井梧飄露葉籬菊偃霜枝沁水望何遠
燕山出未遲故園書屋在莫遣宿心違

送范丞之泗水

聖澤流何遠皇風喜正淳撫存需豈第簡用出衡鈞
旭日輝林木輕霜淨路塵離情付杯酒莫訝勸君頻

贈楊廷重尹閬中

令弟今司牧難兄昔避驄宿威傳父老新節走兒童
全楚家聲舊三巴民計空循良期不忝為政仰前風

送吳簿之海陽

東廣多殷富人尤羨海陽官曹分俊彥嶺海悵離觴
夜月絃歌滿秋風禾黍香長官賢可法况復是同鄉

送周司訓之永安

西江多俊彥吾邑數桑園昔苦文場厄今知師道尊
朔雲開驛路晴雪映都門萬里難為別持觴復贈言

送羅司訓之松江

吳下多名士雲間發秀靈春風鳴教鐸分野次文星

別意杯中酒浮生水上萍何時重握手吟望曉山青
送嚴司訓之重慶

令兄賢太守仕路得相逢難弟今重見通家情更濃
清時崇聖教西蜀得儒宗後夜相思月巫山十二峯
送陳司訓之上饒

昔我巡三楚憐君抱異才數竒恒不偶道在未湏哀
夜月絃歌動春風桃李開儒官豈終誤盃酒慰徘徊
甘泉

溪水天下有無如此水甘不生千頃浪絕勝百花潭
酒釀饒香冽茶烹豈二三主人適真性那復校廉貪

送周啓和巡雲貴

莫謂清戎苦應知

簡命專黃麻天語重白晝錦衣旋江影曉煙樹棹
歌春水船臨岐還執手重會定何年

送羅司訓之九谿

憶昔同鄉校君才美獨先文章嗟白髮事業付蒼天
渺渺九谿道踟躕多士賢春風藹桃李應不負青氈
送胡崇德分教桂陽

我昔趨庭處君今分教初山川新學舍燈火舊詩書
綠蟻情可極青雲志未舒鱸堂原有兆會見曳華裾

送李叔玉尹固安

兩世登庸日俱當丙戌年書香如有待宦業豈無傳
畿內民風厚朝端士論先花封勞牧愛侍從待君還

送杜應韶尹鳳翔

聞爾鳳翔尹端居喜欲顛極知兵憲好况復郡侯賢
獲上非無道憂民願有年功成還

寵召快覩豸袍鮮

送安卿之南光祿

翩翩冠蓋集設餞城東隅日靜滄江迥帆輕去鳥俱
過家便晝錦酌酒及秋萸會見烹人頌聲華重兩都

送俞少保致仕

少保歸田日西湖過雨時樓臺銜晚照松菊卧秋枝
拭簟雲生榻移船月近卮林泉多適意翻訝解歸遲

東塘集卷之四

東塘集卷之五

吉水毛伯溫著

五言律詩

一百四十四首

玉山行院和韻

頻歲客天涯偏驚換物華
灘聲過雨急山色傍雲佳
漸喜親闈近回瞻

帝里賒茲歸理農事久宦得忘家

雪厓

古洞千厓雪遙空一鶴橫
寒光臨月迥積素照煙清
蘿屋懸燈影松林過磬聲
採芝何處去靜裏得長生

中丞周貞菴 表賀至京和韻二首

南都函致語 北闕引朝簪
雨澤群方一嵩呼萬歲
三星河金殿曙 劔珮玉墀叅親見

天顏喜榮光羨獨堪

舊雨憐分袂 春風喜去塵
簪我官猶滯 五君秩已遷
三嘆世浮沉 異論心笑語
叅相逢即相別 離思更難堪

曲子驛喜晴

昨苦彭陽雨 今歡曲子晴
山川朝日麗 禾黍晚風清
樹動侵雲影 溪喧雜鳥聲
邊塵喜初靜 推轂正關情

豐林即席賦二首

臘近含春早 庭空映雪深
無絃雖不鼓 對坐自知音
風動香飄殿 煙冥雀噪林
東平今繼美 千載喜同心
東閣梅谿曲 西園草徑深
天潢通漢派 藻句法唐音
山鳥午鳴樹 寒雲晚覆林
鄉關渺何許 遠客動歸心

挽張一菴

昔仰生前德 今看畫裏容
一菴嗟寂寞 三世羨登庸
月冷新渠水 煙冥舊隴松
遺風耿千載 屹立賀蘭峯

環縣道中

行程將十日 今始見郵亭
漸喜龍沙遠 驚看春樹青
牛羊下山麓 煙火散郊坰
昨去今來路 飄飄水上萍

東坡集卷之五
慶陽道中

臘容冰尚占春色草初侵牧唱楊坡遠穴居松徑深
凍雲依絕壁殘日駐踈林客路饒詩興停驂一短吟

入寧州

群山如列戟忽爾見孤城冰解春流細雲收晚照明
飛塵迷宿莽過鳥拂行旌百里渾忘倦微吟興轉清

入政平

行人不厭晴天意愜人情鳥落晴空迥馬嘶古道平
水村煙欲暝石砌草潛生夜息曉仍發勞勞孰計程

邠州道中

夜息曉仍發勞勞孰計程郵童似識回野草不知名
高嶺半天起危橋斷岸橫西江歸去好煙水定鷗盟

呂幼孚夜坐

九川有令子早歲冠賢科誼重箴規切情深笑語多
春風同對酒

帝里看鳴珂日出聞啼鳥臨岐柰爾何

宋西巖夜酌

憶昔中臺別于今十六年風塵嗟在苒杯酒喜留連
石竹含朝雨牆梅拂晚煙林泉真可樂吾亦欲歸田
杏花春雨亭贈西巖

春雨杏花開主人初夢回幽香生几席淨色出塵埃
興動哦新句情歡覓舊醅重門常不掩紫燕去還來

高陵懷呂涇野二首

紫殿傳宣日龍頭隘九州讜言追董策直節壯

皇猷出處應無累行藏豈自由雲霄千仞遠快覩鳳
凰遊

渭水清於練終南翠可屏秦關元結秀涇野更分靈
片月秋空迥孤鴻滄海冥渺余思驥步極目引長坰

高陵道中

昨識涇南路今行渭北田風回塵拂面雲起樹連天

柳葉青猶嫩杏花紅可憐牧童牛背穩高唱夕陽邊

東華巖夜集

行役應憐我知幾獨羨君看山春酌酒對月夜論文
短麥青連隴高松翠入雲鳥啼天欲曙離思忽紛紛

羅文橋華巖話別用韻三首

夜宴歡無極晨杯復共君情真頻得句語朴自無文
東崦晴升日古橋寒出雲臨岐重把袂塵思正續紛
海內誰知已三秦獨見君代巡崇憲體屏惡挾彈文
巖竹春留雪坡松晚帶雲酒闌同靜坐渾不見塵紛
遠送應憐我高情誰似君雄論無漢策健筆有秦文

晚檻斜沉日春空低度雲橋頭長揖罷征思各紛紛
出潼關

西出潼關路春光半野莎鑿山秦跡少導水漢流多
據險雄三晉提封合兩河烽煙喜無警羌笛和絃歌

閩鄉道中

昨宵還右陝今日已中州雨過春河急雲眠沙嶼幽
鳥聲驚午夢山色豁吟眸

帝德同天地涓埃媿未酬

陝州留別楊掌教

昨來情太厚今會復如何曉雨過青障春風長碧蘿

斯文千載重交誼十年多此別尤難別祖筵空浩歌

陝州道中

往返東西陝頻瞻冀北雲露芝明華嶽煙浪隱河汾
洞側山泉落橋橫柳色分此心無進退日日戀

明君

贈王陝州

文譽馳三晉賢聲動兩州安居誰閉戶公暇獨登樓
新路皆如砥礪田亦有秋遷書知早下卧轍恐難留

柳溪贈許督府

溪上柳依依溪邊過客稀會風宜夏榻過露濕春衣

絮起飄新漲蟬鳴送落暉垂竿不設餌鷗鳥下漁磯
及二河夜集

驛舍同深酌一燈相對清興來乘短詠醉去見真情
夜靜蛩聲切天空斗柄橫明朝岐路別曙色滿行旌
望太行

過河見太行蒼茫萬里長雲霞凝曉色桃李競春芳
僧寺斜依洞人家半倚岡行行看不厭忘却在他鄉
留別劉進士汝言

往返衛源道送迎獨爾勞交情十載重文譽萬人豪
杏雨開春錦桃花漾曉濤臚傳

金殿曙仙杖映宮袍

劉雲川夜集

夜靜香煙碧堂深燭影紅玉情歡未已客興更何窮
斗柄燕山北舟航衛水東不勝鄉國念欲語別匆匆
雲川曉送舟次

載酒官船遠曉行河水平絃歌喧窈窕簫鼓競空明
雨過看山色風和聽鳥聲臨岐還執手欲別不勝情
蔡霞山夜酌

君典文衡日余叨春榜時廿年嗟契闊此夕幸追隨
深酌簷花細劇談漏刻遲蹉跎無建白何以慰相知

夏津和壁間韻

齊魯頻來往初經此夏城風煙連野暗花柳近村明
暫憇還晨發微吟覺夜清乍離妻子累對月坐前楹

挽李日章

撫卷發長嘆懷人獨慘悽楚雲秋黯黯江草暮淒淒
懿行今何少孝心古可齊賢郎應食報墓碣表新題
周生新居落成

勝日開華構春風滿戶庭鷗鳧新水綠松柏遠山青
清宴朝浮白文談夜入冥慈闈還彩戲壽酒樂遐齡
送胡生還筠

文江一杯酒吾道屬筠陽新水催蘭葉舊山環草堂
揮毫便書靜譚史喜更長看汝飛騰日風清桂落香

一槐贈孫司訓

一槐六連理和氣物先知疎影侵書幌清芬入酒卮
高枝來月早密葉遮風遲世德應無忝來徵定可期

贈皮柳城

楚水掄文日螺川惜別時相知十年舊作令萬人宜
驅犢雨中意鳴琴月下思政成膺寵召鵠立定丹墀

贈婁隱士

結廬在城市乃有山林幽柳徑交黃鳥蒲汀過白鷗

雨餘蔬圃客至酒盈筯世事渾無累空雲澹自流
中洲贈王德讓

迢遙來二水偃蹇出孤洲雨過菰蒲靜煙含杖杜幽
書窓開浦色漁艇卧沙秋塵俗牽人易誰能此地留

南谿

結屋傍南谿行吟獨杖藜持枰來舍北看竹過橋西
細草含煙媚新蒲出水齊時還乘小艇笑傲得幽棲

西園

羨爾西園主幽懷三逕同書燈茅屋雨漁笛草汀風
畦菜煙抽紫山楓霜落紅客來還涉跡對坐說年豐

喬松壽吳易齋

百尺抗龍嵒龍泉山下松應同君子操不受大夫封
黛接天疑近碧垂冬更濃清風拔千仞巢鶴定孤蹤

送胡瓶山憲副之楚

一別經五年相逢又別筵如何新節鉞復指舊山川
巫峽楓林岸洞庭春水船觀風有餘興憶我及詩篇

壽瓶山具慶

晝錦便娛綵春暉正草堂行年俱六十樂事豈尋常
椿老晴偏麗萱垂晚更芳瞻雲無限意此去慰衷腸

几川贈楊侯

迥自岷山出深從巫峽來青天飛瀨雪白石走濤雷
舟楫真堪濟川源固有開願將消勺水分潤及蒿萊
挽羅竹坡

宰樹含煙暝傷心涕淚多文名應不泯天意竟如何
遺草留芸室清風動竹坡表潛難弟在墓石看嵯峨

浣溪贈范憲副

杜老遺溪在范公屋數間湍聲低出石雲影靜依山
草拂春風軟花明夕照間何時同洗耳把釣聽潺湲
贈黃希度

桂楫浮新漲茅齋藉短荆草寒煙欲聚山出雨初曠
尊酒論情洽片帆引別輕到家時我憶篇什寄深情
送長生還五雲

太急文江別相看吾道南龍門占小躍虎穴必深探
墨沼翻青草書窓引碧嵐觀心期靜妙秋月寒潭
挽劉郡博

莫誦山陽賦惻悽不忍聽虛堂沉教鐸寒水落文星
草宿孤墳寂山餘拱木青舊傳遺行在誰與續新銘

東湖

東湖春渺渺隱士此幽居迴艇愁驚鳥垂竿不釣魚
興來時覓酒得暇或觀書斜照臨波影小窓日對虛

玉山雲曉

玉山上雲氣曉色並天連漸向微風散還依暝旭旋
入厓搖亂草過洞帶清泉人跡迷新到巖芝何處仙

東峯

獨看東峰秀應耽野趣同晴登雲尚濕曉望日俱紅
詩興長松下琴書素月中悠然忘世慮舉目見冥鴻

雲庄

漠漠看雲遠行行到野庄陰含巖草暝晴拂砌花香
隨月捲沙浦搖風過草堂隔林招謝季春夢每池塘

靜所

深谷無人跡幽厓開隱居潭涵秋幌靜月映夜窓虛
數息頻依杖三餘漫檢書豈宜常習靜金闕待華裾

雲林

林密多雲氣雲深似失林當窓弄竹色傍谷裊松陰
獨坐花前酒間行月下琴豈忘霖雨念出岫但無心

泛池和頤翁太守

曲池容小艇上客駐高旌乍可移舷槩相將轉戶楹
燕花朝雨細魚浪晚風清杯酒尋常具閒遊日可成

懷吳黃洲郡伯

不見黃洲久相思引望頻連霄殷夢寐浹月阻音塵

野曠江雲暮風晴嶺樹春何時王子興一訪撫川津
南山逸老壽詩

蒲陽多秀嶺特立南山尊日月遞升降煙雲互吐吞
幽人託閒逸坐看欲忘言滿谷芝苓長紛披莖葉繁
贈敬菴李隱君

龍泉有隱士嗒爾一茆菴盡日惟端坐或時成半酣
晴雲開古洞片月映寒潭塵土誰能識思君欲解簪
訪黎念齋

數載相期約今晨諧宴遊放舟乘落漲看月坐中流
風靜蓮潭迥沙明鷺渚幽暫停還復發夜半尚汀洲

晨發清江鄭雪齋黎念齋追送別值大風
清曉啓行疾諸君追送勞郡侯出豐饌憲伯具新醪
人事同回阻天風正怒號暮帆且停止入夜聽驚濤

阻風

孤舟泊荒渚盡日北風騫偃草轟平地揚波合遠天
空林無鳥雀斷野入雲煙塵慮恐難靜焚香對古編

曉發遇風

盡夜風不止曉看天忽晴重雲散昏駭遠樹見分明
水緩移舟易帆開出浪輕須臾臨末市尊酒慰孤征
是夜約龔進士曉發不至

東坡集卷五
中酒睡方熟鳴鷄舟已開深憐昨夜約不見故人來
盞斝還誰聚江湖劇我懷風波堪利涉羨汝濟川才

曉發遇風至石口風改

早起北風寒孤帆轉逆灘南颺忽復至三老坐長嘆
不覩挽舟苦安知行路難前村杏如錦沽酒且成歡
早發大風過峽危甚至苧溪微雨止風乃渡
逆風仍逆水百丈澁難行古岸兼春隱孤城背日明
波濤人意苦舟楫旅魂驚細雨狂飈息黃昏競渡平

遊青原二首

迢遰入山門前朝扁揭存谷回疑路盡石怒覺泉喧
得月橋通樹卧雲庵出軒禪林對深寂吾欲謝囂煩
昔道青原勝今承郡主招巖花流紫澗嶺樹入青霄
僧舍懸空嵌天風響寂寥歸途過急雨野水欲翻橋

竹泉

數竹傍幽泉參差碧可憐含風拂清檻影月動長川
節苦自霜雪操寒從歲年脩然謝塵土靜看衛風篇

兩洲

洄沿複二洲江水中分流野火明冬草漁燈動夜舟
波平鷗泛穩林密鳥鳴幽俯仰東西對春風日散愁

贈繆長官宗周

天津初抗疏地部即移官義氣堅同石高名重若山
風塵身獨苦江海思能閒百里纔沾化唐卿忽賜還
和蓀塘寄題塔山

高標屹雙塔半山空影懸岩堯出清漢縹緲散孤煙
樹合巖亭迥江回石瀨公茲遊何日遂極目白雲邊

筠谷

篔簹生滿谷蒼翠自成林雨過纔添色風來忽動陰
初生元有節老去亦無心掃徑逢王子時應拭素琴

雙橋

一水流雙碧茆齋俯若虛清堪浮野艇潤足布園蔬

響石縈風細搖苹映月踈開窓無俗對獨息偃圖書

和答張兩山二首

綠水斜依徑青蘿短覆垣鳥啼花外樹雲出洞中門
但覺琴書靜不聞車馬喧信知三谷近亦自有桃源
谷轉疑無路山高欲接天秀萍明曉浦遠樹倒晴川
釣水依巖坐看雲抱石眠尋幽方未極夕日下浮煙

壽胡崇慶

華筵開六十殘臘轉三陽道以年能至身於老更強
墻梅開映月巖竹老禁霜蹌爾亭前鶴時來舞壽觴

挽張時涵

東坡集卷之三
哭罷同年友哀風振紫泉煙寒愁拱木月落慘啼鶻
才大宜經世數窮欲問天名垂知不朽况復後人賢

宿圓通曉發

夜宿圓通寺山深人跡稀天寒嫌被薄月白戀窓輝
報主恩同海思親夢入幃行車漸星沒岳色映朝暉

東林寺

寺僻依山曲門深傍水隈疎林明曉日古塔照春苔
蓮社池空在虎溪誰復來遠公跡已沒雲暗講經臺

贈莊菴黃二守

褰帷忻始識倒屣慰平生三晉春棠盛九江秋水清

壯懷看把劍大用待持衡後會知何地相期崇令名

贈翁太湖

我山東浙秀暫借太湖居山色兼天淨湖光倒月虛
英年流善政暇日讀殘書萬里雲途洵芳名啓軼初

題耕讀卷

幽人解樂事作業潭溪邊螢動書連屋鳩啼水滿田
閉門尋古訓斷私待豐年此老今云沒承家有後賢

送孫牛川

雨霽水初平江行綵鷁輕涼雲浮日動新蓼映隄明
不盡通家意還多送客情懸知舊詩友把酒遲歸旌

望山亭

連日經平野新亭忽見山晴光飛鳥外積翠白雲間
檻竹迎風動池魚戲日還故園歸未得聊此解心顏

宿桃山

兼程復日夜王事忘驅馳相隱徐王墓山環閔子祠
寒厓留舊雪春水發新披驛館投昏暮空林鳥宿時

望嶧山

嶧山橫海上屹立衆山殊雨過青疑染天空黛欲梳
孤桐中琴瑟古刻落唐虞何日凌高頂遺氛隘八區

新嘉驛草亭

暮止新嘉驛門開見草亭石蘿綠檻碧水荇裊池青
斧節開山霧輶車駐使星焚香獨清坐心已入沉冥

送李南池之蜀藩

五年成契闊一見慰平生禮樂春曹譽旬宣蜀地行
天空巫嶂秀雨過錦江明執手臨岐路匆匆不盡情

送冷丞

錦水春含麗巫山暮列竒琴書經險道舟楫動離思
風正出湖速月明入峽遲情深不能餞吟望獨增悲

九日舟中和傅明府三首

九日寒煙暮孤村碧樹秋狂情羞落帽仙意感同舟

東坡集卷之五
棹出波文引帆開雲色收俊髦俱首拔吾道快茲遊
水落魚龍隱山晴雲霧開舟中無俗侶江上有新臺
岸菊垂花過沙楓打葉來相將行楫穩因羨濟川才
準擬花開日逢迎作主人我因歸石麓君亦泝江濱
相隔風兼雨渾如參與辰螺川應不遠何日訪汀蘋

龍岡

隱士卧龍岡行年五十強柴門但松菊沙塢亦壺觴
水煖魚爭聚風和草自香長生應有訣南極動輝光

詒童用頤

用頤方十歲壯志比成人說事如曾練占詩若有神

螢窓思勉淬鳳閣看嶙峋令我分携後持花憶汝頻

北溪弟四十

吾興及三月汝年忽四旬過庭諸子得怡座一兄親
酒勸青山暮詩吟碧草春石城好山水吟笑足閒身

送楊之奇

文江初霽雨岸濶漲新痕渺渺沙雲瀾青青洲樹存
論交憐故土惜別自多言太學看馳步清時吾道尊

送夏知事之太平兼懷虞大巡祝太守

姑孰乘輶遠文江識面初通家聊餞席入幕定賢書
烏府桓公馬黃堂龔氏車違來今歲幾憑問近何如

終慕祠和雙江

孝思敦古道終慕建新祠
天地丞嘗念春秋雨露悲
水含浮藻靜山削秀芝奇
世世思明德彛文合著碑

壽黃遇濟

八月涼飈動華堂清宴開
行年今五十勝事洽方來
笑舞藤花服時傾竹葉杯
煙霞如有約日日傍山迴

蘭谷贈廖文魁

深谷有幽蘭幽人日對看
清香晴入戶秀色晚依闌
葉舞雲光轉花開露氣殘
誰思王者物聊玩翠芬寒

贈鄒爾嘉

山居遠俗塵泉石是芳隣
庭院風雲曉園林花木春
吟詩兼野興飲酒得天真
名利渾無繫百年獨隱身

馬中丞席上賦

官舟傍湖水清宴欵斜陽
活鯉來新網鮮菱出小塘
天空風滿樹野曠月生牆
栢府情無極征帆去恨忙

壽詹吳江

松林高拂漢花縣坐鳴絃
歲月仍初度閭屢久頌賢
秋高村酒熟日出海桃鮮
可愛中天月流光入壽筵

中秋發桐廬同林退齋諸苧村宴集

中秋竝官舫清曉發桐廬
煙水練同淨雲山畫不如

東坡集卷之五
波鷗翻浦遠島樹映江踈竟日淹華宴文譚樂有餘
虞山三鳳贈陳原習

三鳳生非偶苞文衆所驚遠從丹穴出一向阿巢鳴
日月迴毛羽雲霄列弟兄虞山高截嶽不朽太丘名
贈常山陳令

常山衝八省出令合賢侯使節頻年過民勞何日休
牛羊歸落照禾黍熟深秋但使閭閻樂即舒廊廟憂
題湯氏學圃卷民悅之祖

隱跡今難見猶存學圃名煙含蒲沼碧風動藥欄清
不替菜根意素甘藿食情簪纓垂奕世籍籍振家聲
鷺沙精舍作

群鷺翩翩集晴沙漠漠平水痕侵斷岸帆影背孤城
春雨菰蒲色秋風蘆荻聲幽人築精舍還對數峰清
贈巡湖李都使

西江紛衆水浩渺會鄱湖舟楫危風浪干戈隱荻蘆
六韜傳世業萬里足長驅邊帥看懸印先聲走北胡
棟塘二首

塘上垂雙棟清陰覆晝長群枝高濯雨衆葉密零霜
鵲噪水搖綠魚行浪拂香臺端挺孤栢風采羨承芳
遙望春林盛棟塘久作家波光含月靜花影照煙斜

東坡集卷之五
獨塢春啼鳥空簾晚落霞興來無灑掃隨意啓牕紗
月恒松茂圖壽柯母

柯母逢初度開圖寢閣前寒松差可擬片月迥孤懸
勁節凌霜雪清光自歲年承家今二妙籍籍衆稱賢

東谷

充山初上日東谷盡光輝草色侵簾細花香入座微
携琴開竹院誦易掩柴扉獨立無人語孤雲天際飛
送任儀賓省親還晉

新秋初過雨文水正張帆細浪回沙渚斜陽倒石巖
承親娛綵服立騎引征衫晉國雲山阻尺書幸早緘

答中華

獨立水西樓鳧鷖趁水流皇天久不雨赤地欲無秋
憂國憐吾老閒居得自由諸君多意氣問使每相求
和傅少巖詠七夕

仙槎浮碧海靈駕渺銀河月色明霄漢天文絢綺羅
無論思節序得不畏風波暫會還相別徒令幽怨多

夜宿舫洲曉發

夜宿舫州樓溪聲轉屋流月沉天欲曉雨過夏疑秋
路暗人行少林深鳥喚幽到家猶未午稚子候江頭

寺壁和韻

東坡集卷之五
九
群峰環古寺春日暢登臨地僻山房窈松寒石塌深
內觀思闔目靜坐欲冥心暫息風塵累揮毫更短吟

送周子憲訓無錫

鄉國知名久都城對語頻文優時共羨道洽衆相親
潞水帆檣曉錫山桃李春鳳山久踈濶若見道余真

送金仁夫守磁

昔攬三河轡磁州兩度過田間民困甚車馬路衝多
劇郡宜官好離筵柰爾何循良應不忝千里聽絃歌

送王魯瞻尹諸城

文水簪纓舊諸城寵命新大才少知已善政必宜

民花柳煙光暮桑麻野色春治成馳薦剡出入在
楓宸

和韻奉贈浚川先生三首

中洛文昌應上公衡握直壯懷恢宇宙邃學究天人
道論昭懸日交情密飲醇絕塵那可擬瑞玉象風神
瓊瑤時枉被光霽日承依一掬澂千古孤忠贊萬幾
天空看鳳翥玉蘊見山輝飛藻兼王粲無論杖節威
謬引駑駘步慚趨鷓鷯行每聞宣室詔亦上晉公堂
聖主憂民切老臣謀國長泰階占祉籙拭目副明光
送陳子器之政和兼訊東麓

東坡集卷之五
二十一
我昔巡閩粵山川悅政和循良須俊彥禮樂召絃歌
地僻逢迎少吏閑詩賦多憲臺訊東麓久別興如何

送郭三水

里閨姻元構交游情更親之官便書錦爲政藹棠春
地瘠苗應薄路衝民已貧撫摩如赤子庶以報皇仁

送蘇定州

辭賦擬東阿才名重洛河如何矜國色不解畫長蛾
畿輔甘棠頌循良秀麥歌薦書徵異績赤紱佇鳴珂
送紹興歐陽經歷之行

我昔官東越及今三十年每思行邑井相接盡英賢

秦望山前月若耶溪上煙追懷疇曩意對爾忽凄然

韓道士房和復浚川

警蹕傳 三殿風塵淨九衢

明良三五際禮樂瘞燔餘再肇郊禋典曾無封禪書
駿奔在今夕道院且齋居

送張通府之夔

天門初奏績夔府卽遷官佐郡揚新譽通家展舊歡
猿聲淒月夕峽口急風湍化俗文翁易誰云蜀道難

雲中行院偶書

雲中行院靜獨坐對青天松短雙驚蓋榆高細落錢

東坡集卷之五
年豐得時雨虜遁淨烽煙聞道
鑾輿返歡聲萬里傳

南厓贈劉隱君

水遶中洲迥南厓秀列屏開窓斜對石約友共談經
日出朝煙紫雨餘春草青幽禽鳴樹杪獨立小軒聽
來鴈贈顧中翰

塞北鳴寒月衡陽引暮霞如何靈感集無乃

聖恩賒欸欸上林翼依依墨士家

綸庭有公暇持此贊黃麻

贈獨峯王高士

青鳥開仙馭玄宮鎖洞雲忽傳天子詔特簡玉臺

君霞佩叢霄舉空香下界聞獨峯高不極厓雪正續

紛

題愛梅卷

壺山一夜雪童子報梅開披褐循雲徑尋香到水隈
枝斜便月上花瘦喜風來遶樹微吟罷徘徊未忍回

贈游一湖

皇代追隆古逸民見此人江湖多適興天地得閒身
棲迹隨城市生涯付蓼蘋離筵偏繾綣始覺故情真

贈巖東樓

南省趨庭日叅軍領 勅時綵衣猶繾綣畫錦正歲
蕤潞藻依長楫江楓引別卮嚴程竣 王事黃閣遲
來期

雲丘贈李士益

隱士家何處青丘覆白雲風斜當戶入月正對窓分
迷徑稀人跡開岑下鹿群百年常作伴塵事寂無聞

東塘集卷之五

東塘集卷之六

吉水 毛 伯温 著

五言排律 六首

玉山書院

玉山名勝地構此自何時好鳥吟風樹閒花開露枝
天光搖石竇雲影拂松池水甸朝觀耜壁窓夜引帷
林深無漏鼓座暖有臯比與善堂春滿禮賓亭月遲
興閑隨處樂小立擷清葵

初度十二韻

兩歲逢初度羈棲仍衛源感時遙墮淚恨別欲何言

萬姓方懸磬雙親正倚門綵衣違子養繡服冒
君恩德業無成就詩書廢討論行年虛孔立臨事負
臧論宵立憐兒女晝眠憶季昆犁鋤閑僕御荆棘長
田園誰爲愁如海今知恨有根行厨聊獨酌塔坐且
孤吟歸去東籬客閒來北海樽何時諧宿願猶及菊
松存

贈蕭中丞和梧山韻

甘棠留隴甸畫鷁指京師河洛經行處閭閻感慕時
春風瞻道範尊酒話襟期後進承先達初逢劇故知
瞻承歡暱洽忽漫惜分離朝雨清塵路秋風動菊枝
雨花臺上月千里共相思

壽白巖喬少保

帝運中興日春和景莫時蓬萊開綺席冠冕獻瑤卮
天錫箕疇福人歌申翰詩歡聲騰赤甸協氣引台維
事業古今異聲名海宇知竒文鏤玉釜餘草落金閨
憶昔留都變真同累卵危精忠傳羽檄兵法鼓軍師
江水橫樓艣石城立纛旗即時驅逆賊從此定丕基
駿績歸公論天官屬衆推階符昭有象衡鑑秉無私
四海沾膏澤百官承表儀

東塘集卷之六
皇心深簡注天語密承咨甲子數方始公孤鬢未絲
昌期慶韶夏泰治仰臯夔北闕常登召南山重致辭
應留安社稷端可過期願賜杖趨廷殿垂名勒昇彝
白巖標峻極千古鎮西陲

挽劉持慶太守

哲人胡不憖天意杳難知漫憶生前事徒興沒後悲
虞曹庶績法署讞單辭直氣西庭重威名南海馳
淮陽嗟去速陝右嘆來遲肯避催科拙寧甘撫字疲
平生多慷慨中道益艱危殘月明祠屋淒風動總帷
傳芬看太史齋志賴佳兒脉脉思君淚長川無盡期

素菴

隱君扁新菴寓意存素履茅堂對閣山柴門臨瀟水
院淨風入簾窻虛月明几升庭無絲竹束架有圖史
春圃刈幽蘭秋田籍芳芷寒雲翠欲流閒花落如綺
對客話桑麻垂竿釣魴鯉平生純孝思不但備甘旨
雪行虎驚奔谷避賊不視懿行推縉紳高名重鄉里
華胄本仙源積善生令子已見擢科名即看登臚仕
顯揚詎可量昌大從茲始

東塘集卷之六

東塘集卷之七

吉水毛伯温著

七言律詩首一百

清燕亭和答尚書王公

卧龍山半初築臺忽枉尚書來新裁群魚感篇次第
出叢菊借色商量開酌酒喜無俗吏至捲簾時有清
風來簿書休暇不易得端脩對此疑蓬萊

再登清燕亭和尚書王公

新亭突窅天半高登臨復此從人豪山容霽雪開仙
嶠草色承春迎使袍別駕才華新領郡尚書風采舊

專曹諸公即席揮珠玉媿我空疎亦泚毫

臨山道中和答唐南溟

宦路頻年無定跡臨山今日並君遊孤城暮色撩鄉
思古寺春光亂客愁野曠長雲低落鴈湍回急渚下
輕鷗明刑未盡孚中意回首真慚肉食謀

臨山對酌和答南溟

簿領從君笑語頻層軒對酒益情親鳩聲細送陰陰
雨海色潛歸泠泠春鄉意真同花片懶宦情得似柳
條新狂來更劇尋詩興落日平沙鷗鷺馴

撫景興懷爲白大叅題

歸樂園中景未移主人寂寞已多時奇花漫自開山
徑細草同誰藉酒卮砌冷秋風蟲語急庭空夜月鶴
來遲撫時物物牽多恨華黍南陔不盡思

送神樂道官還京

聖朝祀典徧群神帝時仙郎下紫宸禹廟衣冠生氣
色宋陵俎豆注 絲綸雲邊路出若耶險海上臺觀
秦望春歸奏玉函承密問應言岳瀆鬯精裡

定海道中和答熊尚弼

仙輿海上並君行蜃霧沙風趣不驚木槿花稀開欲
盡田桑葉薄種初成通洋船絕芟蘆出備虜亭荒草

東坡集卷之七
蔓生莫向驅馳歌靡監郊原黃鳥正春聲

送李生還京

急雨翻空殘暑收征車欲別還綢繆江蘆裊日叢欲
盛岸柳垂煙葉正柔蘄北庭闈應入夢越南山水聊
開愁相思後夜知無極明月傍人空倚樓

費亨甫唐雲卿同遊焦山

昔年畫鷁過京口遙望金焦思一登豈意清秋隨勝
侶同遊到處足高僧雲中草樹朝含日水面樓臺夜
出燈遍索竒幽歸路晚一輪明月海東升

和答粹夫林中丞

雨雪無端春又還奔驅始覺世途難風晴河柳自生
色日近牆梅猶凍顏獨館懷人詩草積誰家竟夕釣
舟閒王孫祠畔煙蕪綠倚棹聽歌意倍關

贈高封君和韻

鳳啣寵詔入林丘御墨遙分天語優老去詩書聊
節序此生風月是交遊已甘一徑開韋曲常有百錢
掛杖頭不是堯仁能浩蕩隱居誰信有巢由

品士亭玩竹和空同懷泉翁韻

品士亭前竹數竿亭空時得倚闌看清虛不變四時
節培植翻思往日難南浦月明低弄影東湖雨霽碧

生寒垂垂滿眼俱成實會見扶踈引鳳鸞

送甘友入南雍

禮樂應思陳 北闕琴書却卷入南雍園橋日月三
春麗璧水風雲萬里從黃葉搖林紛別思青山臨路
疊秋容西曹令弟如余問爲道交遊萬事慵

送許封君歸京口

上國風光看欲遍故鄉煙景夢猶頻承家令子久霜
簡避世此生惟角巾白玉珂中歌祖席黃金臺畔送
歸輪長江南去恩波濶會見 泥書下 紫宸

送鄧真甫分教溫州

三年理郡論交舊千里思君入夢頻樽酒京華能幾
會秋風客路又沾巾放談今古渾無際觸筆煙雲動
有神聞道甌南多俊傑應看風義動儒紳

月夜小集和施西亭

小軒入夜對清筵盃酒招邀感昔緣時有好風一種
至况蕪明月十分圓吟餘樹裊金尊影舞罷花搖綺
席煙坐覺銀壺催曉箭看雲狂欲斲龍泉

送俞簿之龍泉

龍泉地僻佳山水君去行應見落花漠漠春田農事
急祈祈晚巷市聲譁九年犴禁能供職十月鱸肥且

過家縣下閭閻思撫字試看何計樂桑麻

送歐友尹雲根

吾郡衣冠稱蜀口西州山水說雲根逢時元不輕民
牧爲政何如報國恩避役得無農棄畝催租恐有
吏投村莫言萬里賢聲隔聖主于今闢四門

送陶景瑞分教蒲圻

曾見高文譽鄉校豈知厄數屈賢場差將禮樂陳螭
陛那復經書束鱸堂潞水舟航兼雨雪蒲圻人物在
門墻過家寄問耶溪水客念并州幾斷腸

送羅章甫分教華容

故國幾年頻入夢他鄉今日復相逢薊門花柳愁心
倍楚澤風波別思重久道儒行方仲素即看師誨仰
華容鱸堂講席開桃李目注湖南第幾峰

送殷生還嘉定兼懷鄧鳴楚

秋風孑孑開黃菊遊子忡忡動白雲天北天南孤客
往帆來帆去大江分故山水石堪招討靜室光陰足
典墳邑里同年君得見相煩傳語致殷勤

送郭達誠守寧波

四明山水名東越三宅聲華動法曹鼓駕豈能拘駮
駟幡車端合引蓬蒿春原雨足田中犢秋水蘆肥海

東坡集卷之七
上螯父老多餘舊咨理送君不覺涕沾袍

送李生還蜀

幾年劍外多戎馬此日城南送客征
雪路漫漫看引旆春田漠漠望銷兵
新詩草就誰同和舊館梅開主半更
姓字早通金鎖籍憂時何以答昇平

送林生還京口

北風馬首振寒纓把酒長亭客暮征
醉後別懷疑草次雪殘梅影故妻清
石門蕙葉流光寵江口桃花笑指迎
歸共故人理幽興妙高臺上看潮生

送劉天章改守新化

皇都春曉千樹鴉玉河冰泮晴隄沙
一杯城東把酒別萬里滇南去路賒
新化應有隨車雨古舒定見甘棠花
是非從來無在論得失於人何怨嗟

送周錦衣征姚源

昨夜春風入九城潞河冰泮雪初晴
油幢却傍青霄出錦服還宜白晝行
斗酒此時聊判袂西江何日可銷兵
知君報主多忠義好向旂常掛姓名

送胡千戶還永新

戎馬年來天下苦將軍名藝衆推先
陣垂龍虎韜中畧帆掛風雲江上船
別意應知懸後夜壯懷直欲吐

英年捷功何日傳音凱報我江南獻馘篇

送僧圓皎還龍華

仁山南擁龍華寺文水中分碧草洲勝地由來僧獨
占恒沙今喜汝能求洞門雨送山泉駛石磴雲飄竹
院幽衣鉢即知傳上界錫飛應到海西頭

過分水

郎山萬丈天相連獨上山巔秋可憐下見雲煙千樹
失平臨星斗半空懸溪流曲曲翻清漢石磴盤盤入
窈玄使節今朝過閩粵夢魂昨夜到幽燕

武陵宮

入閩看山漸不同此山特削金芙蓉玄宮傍巖俯溪
水古樹依洞靈雲峰藥爐轉火流丹液羽士服氣清
霞容欲窮九曲不可得簿領何日遺塵蹤

烏石山亭

烏石山前尋古洞隣霄臺下坐新亭窓簾夜月時生
戶草樹春風忽過庭下峽帆檣懸海日輝城燈火亂
秋星公餘每適登臨興遲暮淹留只翠屏

送王憲長之魯藩

白日旌旄辭秉憲紫微省閣待持衡南閩父老歌棠
送東魯兒童騎竹迎山入武陵開曉色潮迴羅刹怒

東坡集卷之七
江聲憐余亦有并州念那復君行向越城

登鼓山

斧斨東行石路遙半山隱隱出層霄
天空島嶼浮波動海闊亭臺壓霧高
仙袂含風凌絕頂使輶隨月下
長橋憑危更訪神人石欲向三山釣六鰲

壽泉山尚書

方伯省親承 特旨尚書歸老並真仙
白頭勲業朝中迷黃閣文章天下傳
竹葉盈杯行綵服梅花飛片舞清筵
年華對此春無盡好向中山鑿壽泉

隣霄臺和丁近齋

殊方久客情能遣高閣同登意忽開
過日高帆過西峽霾雲古樹壓南臺
沙村近帶農田出海岸遙看賈舶來
醉下虛亭尋古跡斷碑危碣半莓苔

海仙贈龔蒲川方伯

誰居東海特稱仙我識仙翁二十年
方外早回真逸駕山中復起濟時賢
蒲川習靜名應避粵嶠旬宣頌可傳
別久會君今又別不堪離思繞朱絃

謁延平書院和韻

九峯絕頂屹書樓躡蹬穿雲到上頭
一脈延平開戶牖千年洙泗共源流
宋時理術昭今古天際奎光映

斗牛再拜遺祠勤仰止蘋花寂寞使人愁

奉和木齋謝閣老

蚤看文采冠詞林未老身辭玉署陰黃閣絲綸匡世業青湖煙水退朝心三秋吳越移書遠萬里幽燕去路駸側仰高山情不極驛樓晴樹動微吟

宴慶成和周貞菴

玉輦迴臨日正中爐煙窈裊散香風唐虞禮樂千年會夷夏冠裳萬國通禁柳遠侵庭伏碧宮花斜映酒杯紅小臣旣醉慚何報願溥餘歡四海同

送曹司憲南還

吳水吳山舊接隣石田茅屋未全貧却辭常祿緣多病即買歸航亦甚真郊館別筵春色莫沙汀踈雨柳條新知君豪興耽佳句驛使時能寄遠人

清明卧病和答曹霜厓

三月長安花柳明淡煙霏霧拂初晴欲携春酒閒尋侶病卧僧房難出城日午強思扶杖立中林忽聽過鶯聲何時差徼還乘輿短燭清尊期夜盟

送王秉哲尹耒陽

家君與子論文久東坦於吾麗澤多二十年華如昨日尋常酒債且高歌湖湘煙雨行將到燕薊風塵柰

東塘集卷之七
九
別何欲問民情應不遠邦中才彥一相過

夜謁嚴祠遇毛憲伯坐語

秋雨冥冥急釣臺滿江風浪拍天來
即持短炬趨祠屋偶見幽人坐石苔
昔日煙霞樓澗壑此時冠蓋逐塵埃
對談永夜堪惆悵寂寞空山猿嘯哀

登大梁明遠樓

同心共竣掄文事乘興還登明遠樓
中嶽雲開天際色大河風靜地中流
人材孰過唐虞盛科目賢於夢卜求
遙想試書開驛使思皇端慰九重憂

柳湖即席和荅王蔡川方伯

雪花片片集寒光尊酒相看慰寂涼
望裏湖陰含樹色吟邊春意動梅香
宋朝冠蓋遺休遠澤國亭臺引興長
盡說豐年今有象共君莫惜倒餘觴

歲暮五首和李空同

一冬城野無冰雪竟日塵沙起朔風
觸目繁華殘歲裏傷心蕭索敗垣中
兩河民瘼圖難盡故國親交信未通
直北幽燕重回首五雲深處是宸宮

臺府孤沉遠俗紛日斜庭栢鳥聲聞
誰家爆竹年將盡獨坐寒燈夜欲分
勝裏金花寒對酒朝來物候起觀雲
陽春一曲人難和李白元來思不群

東坡集卷之七
堦下煙含碧草生臺前風靜小禽鳴歲除漫憶閭閻
苦春至猶防鼓角驚多病一身人共棄故鄉千里月
同明山中攬結多奇勝何日歸舫聽濯纓
塵埃奔走欲成癡擬向滄江理釣絲攬轡未酬平日
志埋輪曾使衆人疑野梅冒雪花將放院栢擎風枝
不垂世變江河何底極豈勝長慨憶標枝
三度歲除三易地轉蓬踪跡嘆羈棲燕關曉並鴛鸞
入越嶠秋臨猿狖啼此日中州還引節何年故國漫
扶藜明光起草非真病杜老心情在灤西

和空同除夕寫懷

空同先生詩律嚴除夕遣使掀我簾獨坐那堪歲月
晚開緘不覺酒杯添椒花媚春在明日梅蘂索笑聊
巡簷豪來欲倚青驄馬潦倒還將秃筆拈

正月二日訪空同同梧山中丞夜集二首

正月二日脩常禮晚集空同學士家元老表儀朝野
重主人文采縉紳誇喧春綵勝聊隨俗破臘寒梅已
放花歸路迎燈亂星斗光搖臺栢起棲鴉

座間更漏聞三鼓海內斯文聚一家投共金蘭元不
忝倚同葭玉實非誇謫仙才豈輸工部汴水居寧羨
浣花佳句每因高興發驚看華墨漫翻鴉

東坡集卷之七
朱僊鎮謁武穆祠

武穆祠宮遙展拜英雄事業獨傷情十年兵甲朱僊
鎮一日金牌羅刹城叩馬書生回北走焚香父老望
南行于今廟食三河地淚灑姦諛恨不平

院亭即席和田水南三首

雨過幽亭涼漸生論文忽憶在仙京雲生橫嶺思親
淚日近中天望闕情安得松陰移短晝即拚竹葉倒
深更知君明發難爲別愁聽河梁急暮聲

斧旆新從江上來清詩還爲故人裁臺中日隱文書
靜簾外花垂宴座開夜月洪州嗟契闊春風梁苑喜
追陪明朝又作沁源別漫對燈前細舉杯

落日誰登王粲樓春風長憶杜陵遊太行君去無多
路少室吾曾到上頭偶爾相逢聊索笑不禁遽別動
離憂中州此出堪乘興天倒黃河萬里流

送幸庵尚書西歸二首

遠聞旄鉞下回隆疋馬今辰又汴東一代奇勲流竹
帛兩河遺澤在棠風赤心報國驅馳裏黑首還鄉氣
槩中高節久知天下重大名應見古人同

六月霜威斧節生栢臺風采動 神京澗瀍草色遙
承珮汝泗花光欲駐旌四海干戈包虎革三秦山水

東坡集卷之十一
重金城臨岐不盡追隨意野館葵開白日明

送彭濟永侍兄還金城

錦衣奉 詔侍兄歸寵動金城草木輝萬里舟車秦
晉遠一門文武古今稀槐蟬嘒嘒吟朝露塞鴈翻翻
下夕暉莫訝離亭頻勸酒征車回望綵雲飛

奉和野亭劉閣老二首

玉堂誰復早明農黑髮還山見此翁習靜不知花影
暮行吟時聽鳥聲同池蓮過雨朝回碧庭樹經霜晚
落紅野趣無人能共解夜來明月可亭中

新引芳泉泗水邊偶乘孤興泛樓船不將短檝煩三
老自信長風下九天山簡有情能作主林宗無意衆
稱僊清時獨樂看誰得回首長安白日邊

贈吳忍軒長史和虎谷韻

忍軒每夜勤書史萬卷手開焚炬殘白日心神渾不
滓浮雲世事了無干道高國相談經座名重 親王
輔德官咫尺太行瞻眺阻海天雲樹思漫漫

梧山中丞贈言和韻留別

早從中秘振華聲斧鉞今看出汴京花發覃懷迎旆
靜雲開嵩少引帷清忘年更覺交情重對酒遙將別
思輕喜聽甘棠歌載路萬家春雨樂農耕

風折冬青樹和空同

閉門嗒坐心無事
酷愛冬青映草堂
一夜風狂不可
禁
兩枝朝折寂堪傷
翻思手植三年久
頗喜根延百
尺
長來歲春還
生意足
須看新幹倚青蒼

空同贈言和別

洛陽草色喚催歸
執法星文切太微
海宇幾人持范
轡
滄江千古羨嚴磯
孤城日落亭沙暝
遠道風清木
葉稀
高論時聞心未厭
不堪別淚濕征衣

奉和石齋閣老夢中得句

四海蒼生真引領
百年康會際雲龍
皇華荐被君

恩特天語兼承御墨重
致主丹心良獨苦
匡時素志
肯辭慵驅馳
不但輕千里
報答元非急
萬鍾

野亭閣老贈言和答三首

野亭夫子中州隱
黃閣英稱海內傳
早判經綸閑水
石
真看風義薄雲天
開來術業昭賢簡
著往功能盛
史
編龍袞迢遙心不寘
菟裘寂廓興尤偏

赤紱蕭疎汲水湄
併將宇宙豁襟期
令公偉度群兒
狎
司馬高名走卒知
閉戶心情亭草合
鈞簾物色檻
松
垂平生倍劇瞻
依念那復河梁賦
遠離

謬承北闕觀風使
獨拜中州第一人
五畝優游松菊

東坡集卷之七
主 三朝匡濟股肱臣梁園此日聊棲鳳漢閣他年
擬畫麟拖玉懸魚意不有平生高義豈圖身

雪夜宴集和季明德

夜堂虛敞燭初然故舊相歡並小筵坐久欲呼燕市
筑興來忽憶剡溪船衣冠歲暮同爲客杯酒人間不
異仙何處梅花纔破臘隨風飄拂到尊前

登黃鶴樓用崔韻

昔年每誦崔生句此日真登黃鶴樓雨過巫衡峯
并雲開江漢水悠悠萬家煙樹晴連浦千里風帆晚
趁洲直北長安重回首楚天燕月並關愁

水亭夜興和秦鳳山

水曲村扉夜不扃興來乘眺獨登亭風含水荇映波
靜露裊巖花倒檻冥宿岸小禽翻荻渚迴空急鴈下
雲汀主人獨坐渾無語徒倚南山立翠屏

喜雨奉和 楚殿下

細雨朝飛衡岳天窮簷愁蹙一時蠲蓼叢半溢長江
水禾秉全登大澤田不用詩人憂旱魃且將尊酒問
豐年迂踈豈稱觀風使獨羨群藩推楚賢

九峯寺和韻

九峯古寺半日留觀風使節聊經遊花冥細洞先飛

燕雨映前山忽喚鳩高閣側聞鐘鼓靜小橋斜度竹
松幽覽竒訪勝皆塵土萬事人間一幻漚

賀鳳山中丞平南

守臣屢報郴陽急天子親分閩外權一鼓豺狼空
晝窟萬家牛犢事春田瀟湘波映旌旗動衡嶽厓懸
賦頌鑄四海卽今多寇盜撫綏應仗濟時賢

雲夢和壁間韻

泥途風雪倦縈迴邑小民貧歲屢災湖口渡舟驚鵝
鴈田頭立馬問蒿萊百年往事嗟荒矣四顧平原亦
快哉長望翠華懸紫塞昨朝愁絕北書來

送陳西軒太保還朝

聖主宵衣方側席老臣秋旆急趨朝城樓祖宴開
江漢驛路征帷向斗杓禁鼓曉催金鳳闕仙珂晚下
玉河橋商霖佇慰蒼生望好使康衢頌帝堯

贈梧山李中丞移撫南畿

栢府錦衣行白晝橘亭綺宴列清秋翻思河洛風塵
地漫憶湘沅煙樹舟灃下親朋瞻去節江東父老望
行輶懷君不盡天邊月萬里煙雲接虎丘

曉送梧山道中和韻

輶車千里戒嚴程片月踈星帶曉城石路依山茅店

東坡集卷之七
合沙亭過水板橋橫習池木落宜新霽梁苑梅開憶
往情遺愛兩河應不泯即看吳下頌昇平

界山驛和韻

山城啼鳥喚愁生驛路青山馬首橫故舊每逢南北
使詩篇多識古今名秋雲鎖洞寒泉靜晚照穿林亂
葉明 廊廟江湖俱念切浮雲日莫不勝情

德山和周益公韻

武陵深處屹名山青嶂逶迤抱碧灣樵語但聞殘照
裏漁歌時出落花間高僧塔竦寒雲倚隱士厓懸獨
客攀駐馬行厨傳玉笋亂峰歸路不知還

泉師賜詩湖南奉和寄答

解綬初傳漢曲書息機仍卜惠山居藥欄靜映囂塵
外巖竹低橫霽雪餘庭晝風簾呼獨鶴池春煙草啞
群魚試看綵服承歡日比較三公願孰如

登岳陽樓

憶昨獨登黃鶴樓今辰復作岳陽遊衡山遠開煙霞
曉洞庭近接波濤秋珠簾倒捲湖光入綺窓側映天
色流古往今來嗟底事千秋誰抱范公憂

岳陽樓和邃菴閣老

湖邊高閣勢凌空今古登臨感慨同沔漢驚心思戰

東坡集卷之七
伐風雲回首失英雄波平島嶼浮天外日落鼉鼉見
水中 廊廟深憂應未已十年奔走愧何功

和詠湘潭院桂

臺邊老桂翠凌雲仙種疑從天上分月入曉簾踈影
動風迴午院異香聞孤松相對元同調衆木欲彫此
獨芬試問東園昨桃李成溪雖早不如君

謁南嶽祠

南嶽嵯峨翼軫邦東湘迴合是羅江升沉日月祝融
獨出沒煙雲天柱雙老鶻乘風歸霧巘幽禽求食下
風窓此來應得山靈笑塵土東西空節幢

開雲堂同夏裕軒陳嵐峯夜宿

燈火虛堂坐嶽山渺然孤興出塵寰林窓縹緲松風
細石閣虛清蘿月閒四海簪裾今夜合三邊戎馬幾
時還倚闌忽動看山意指點芙蓉星漢間

送胡石亭謫延安

天津夜氣寒星斗洮水秋陰動隴秦去國琴書經野
暮過家梅柳拂山春鴈峯煙雨愁離色浙水風霜嘆
舊巡臨路不堪論遠別對君惟有淚盈巾

錢胡石亭於回鴈峯下漫成

幾看鴈過全回北何事人來復往南城郭樓臺朝日

映瀟湘舟楫暮煙含尺書冀北時搔首尊酒衡陽得
盍簪念別更將盃屢進長途風雨藉微酣

明遠樓作

經旬鎖院懷深思此日登樓一破顏倚檻下臨江漢
水開窓平見鳳凰山唐虞人物雲霄上鄒魯文章天
地間喜聽鹿鳴歌盛世即看振鷺引清班

浯溪觀磨崖碑

江上風波空浩渺江邊石壁自嶙峋真卿字畫傳天
地元結文章動鬼神唐室中興誰悔亂浯溪久廢寺
分鄰塵蹤海內傷臨眺回首桃花自淶津

賀杜鎮守平南

百萬天兵壓桂城醜夷何敢抗南征柳營風入旌旗
動虎帳霜搖戈戟橫六壘早懸元惡首五溪今識使
君名捷音急報明光殿嶺草同沾雨露榮

嶽麓書院

南嶽名峯七十二逶迤到此忽無峯山深合有賢人
隱地古那無異客逢露重松林朝警鶴月寒竹塢夜
悽蛩焚香展坐更長嘆四十無聞愧我慵

送杜涑溪改闕

久稱節鉞宜三楚忽報絲綸改八閩無力可回東

東坡集卷之七
路輒何人能步後車塵
衡巫日出山光重
江漢春歸岸色新
若見達齋憑問訊
來鴻莫厭尺書頻

留別西軒陳太保

闕下辭章凡幾上
天中溫語及三留
老臣不爲林泉樂
聖主元深社稷憂
岸柳飛花沾祖席
江風吹雨趁仙舟
湖南燕北聊茲別
清珮何年集鳳樓

留別鳳山秦中丞

並事湖湘經五歲
離情江漢倚孤舟
武陵刑獄霜晨對
桂嶺旌旗雪夜留
九折不回臺省法
萬屢無抱室家憂
即看綸召來丹闕
佇遲仙帷入帝州

留別東湖吳中丞

水從巴蜀來天上
江入荆襄決地中
廊廟特推名世傑
閭閻咸頌濟時功
桑麻曉映千村月
禾黍秋含萬井風
正喜瞻從新節鉞
不堪離旆引歸鴻

留別總戎

地連八省輿圖曠
俗引諸夷反側多
不遣將軍持斧鉞
可堪赤子卧干戈
孤城疲卒朝鳴柝
遠戍征夫夜渡河
我欲爲君成保障
風煙別路奈愁何

贈別戴大行

黃梅雨過楚江晴
一灑炎威爽氣生
使節北旋天共

東塘集卷之七
三十一
遠僊舟東下水方平孤城綵旆今朝發故國金山遠
寺橫海內正當多事日看君霄漢立功名

東塘集卷之七



